

VENDIM
Nr. 225, datë 17.4.2019

**PËR DHËNIE NDIHME FINANCIARE NGA KËSHILLI I MINISTRAVE I
REPUBLIKËS SË SHQIPËRISË PËR QEVERINË E REPUBLIKËS SË FRANCËS,
PËR RINDËRTIMIN E KATEDRALES “NOTRE-DAME” NË PARIS**

Në mbështetje të nenit 100 të Kushtetutës, të neneve 5 dhe 45, të ligjit nr.9936, datë 26.6.2008, “Për menaxhimin e sistemit buxhetor në Republikën e Shqipërisë”, të ndryshuar, dhe të nenit 13, të ligjit nr.99/2018, “Për buxhetin e vitit 2019”, me propozimin e ministrit të Financave dhe Ekonomisë, Këshilli i Ministrave

VENDOSI:

1. Dhënien e ndihmës financiare nga Këshilli i Ministrave i Republikës së Shqipërisë për qeverinë e Republikës së Francës, në masën 100 000 (njëqind mijë) euro, për rindërtimin e Katedrales “Notre-Dame” në Paris, pas dëmeve të shkaktuara nga zjarri.

2. Ministrisë për Evropën dhe Punët e Jashtme, në buxhetin e miratuar për vitin 2019, në programin “Planifikim, menaxhim, administrim”, në zërin “Shpenzime korrente”, t’i shtohet kundërvlera në lekë e fondit prej 100 000 (njëqind mijë) eurosh, për qëllimin sipas pikës 1, të këtij vendimi.

3. Ky fond të përballohet nga fondi rezervë i buxhetit të shtetit, miratuar për vitin 2019.

4. Ngarkohen Ministria për Evropën dhe Punët e Jashtme dhe Ministria e Financave dhe Ekonomisë për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

ZËVENDËSKRYEMINISTËR
Erion Braçe